

Mizmbangj doxgaiq lauqgvaq le, couh lauqgvaq baenzciuh lo. Bouxvunz rox bienq, dawz aen wngqcingz he mbouj bienq, hoeng, cix dawz mbouj youq aensim ciengzseiz rox bienq.

Mizseiz euqmaenz dwg cungj fudanh, vutvak hix dwg cungj gejduet, vunz mbouj miz byawz dwg ndei caez, vuenyungz mbouj miz it bak faen, rox swheij mbouj miz rengz baez dog aeu miz baenzneix lai, hix mbouj miz gienzlig iugouz baenzneix lai, mbounnex couh swheij sinhoj, hix veiznanz doiq-fueng.

Aen sim he dwg bouxvunz dog gag miz, ndaw aiqcingz gijmaz dwg goengbingz? Maij ndaej lai, deng sieng hix lai, ndaw aiqcingz mbouj miz goengbingz. Gyaез boux vunz swheij mbouj gyaез he, dwg danqheiq mbouj miz daemdaenx, mwngz gyaез de hoeng de mbouj gyaез mwngz, yienghneix couh dwg mwngz hainduj doek raemxda lo.

sanjvwenz

Saenq Ndaej Swheij

相信自己

□ Maj Siucaij

Wngqcingz dwg mbaw ceijhau, bonj sawheiq caiq na hix miz doekcod, gou siengj rox feihdauh raemxda, couh suenq yaek yungh caiq lai seizgan gou hix mbouj siengj deuz. Youq gwnzbiengz mbouj miz vuenyungz dwg ciengxlwenx, cijmiz angq caeuq cwxcaih cij suenq dwg ciengxlwenx.

Danghnaeuz mwngz dawz gamjcingz gou dangq baenz ciengz guh'angq ndeu, gou guh mbouj ndaej, engq dwg saw mbouj ndaej. Mizmbangj yienzfaenh cawq-

dingh mbouj miz gietgoj ndei, gyaез bouxvunz he mbouj itdingh yaek aeu miz de, hoeng miz bouxvunz he, itdingh yaek ndeindei bae gyaез de, gaej vutvak de, mbounnex couh dwg doiq mbouj hwnj swheij.

Gaej aenvih mbouj miz ndit, couh byaij mbouj haеj seizcin;

Gaej aenvih mbouj miz sing go, couh vutvak gij gouzaeu swheij;

Gaej aenvih mbouj miz sing bakfwngz, couh vut lijsiengj swheij bae;

Gizsaed, moix diuz roenhung

roen' gvangq, cungj dauqcawq miz gumzgamx; moix diuz roenloh doeng bae coh lijsiengj, cungj cungmuenx sinhoj caeuq raemxhanh!

Haujlai saehcingz fazcanj cawq-dingh de doeklaeng cungj miz doeksat, ndeindei yiengjsouh go-cwngz gyaеundei, raeuz wnggai hag rox lumzlangh, ndongjndat dwk riu baez he, cuengqsing daej ciengz he, ngiengx gyaеuj muengh mbat he, benq ndit ronghsag he, siengsaenq seizgan ndaej gajjbiengq sojmiz! Gaej hawj swheij gag doek raemxda.

Seizcin gag miz gij funghcingz swheij, seizdoeng miz gingjsaek swheij, seiqvunz gak boux miz gak boux gij gyaеundei, gak boux miz gak boux gij cwxcaih. Mwngz riu, daengxbiengz riengz mwngz riu; mwngz daej, daengxbiengz cijmiz mwngz boux dog gag daej. Raeuz siengj aeu danh aeu mbouj ndaej seiz, couh dwg gaej hawj swheij lumzlangh bae.

gojsaeb iq

Gwih Max Caeuq Byaij Roen

骑马与走路

□ Yiz Senhingz



Miz boux vunz ndeu hozhaenz bouxwnq miz max gwih, de roxnyinh gwih max gig sangj, hoeng aeu din byaij roen caen mazfanx, youh mbouj miz gijmaz eiqsei, de gig muengh swheij

miz duz max he. Bouxwnq lwnh de nyi, yaek siengj aeu miz duz max ndeu, couh aeu song cik din mwngz bae vuenh. Boux vunz neix dingq le, gijmaz cungj mbouj siengj, couh doq yienh'ok song cik din swheij, yienghneix de vuenh ndaej duz max he lo. Boux vunz neix ndaej gwih max gig simhai, duz max buetlelep hawj de gamjdaengz lumj youq ndaw moengh rox mbin nei, hoeng de menhmenh gamjdaengz vunz mbouj ndaej itcig gwih youq gwnzlaeng max, daengz de roengz max seiz, cij roxnyinh ngoenzlaeng swngghoz gig gannanz. Mbouj miz duzmax cijdwg miz di ienqlaeng iq ndeu, hoeng, mbouj miz din cix dwg baenzciuh sinhoj lo……



Lingsuij doiqfwen.

60 nienzdaih satbyai daengz 70 nienzdaih haidaeuz, Guengjsae yungh doxgaiq ngoenzyungh, lij haemq gaenjcieng, daihbouhfaenh doxgaiq baengh diegrog diuh haеujdaeuj. Vihliux gajjbiengq aen yiengh doek-laeng neix, Veiz Gozcingh giengz-diuh, youq gaem ndei gunghyez goekdaej bang nungz doengzseiz, itdingh aeu hwnjheiq fazcanj ginghgunghyez caeuq soujgunghyez, yienghneix ndaej muenxcuk gij gwndaenj lwgminz, demgya deihfueng ngaenzcienz souhaеuj.

Gvaq bi 1969 le, gij bumwnz cawjguenj gunghyez swigih caeuq gak digih, si, yienh haenx cugbouh ndaej dauqfuk genci, gij ganbu soujgunghyez nyuenz miz haenx caemh ndaej lienzdaemh gvidoih. Swigih lij laebbaenz le ngoenzyungh caeuq aen bangunghsiz lingjdauj siujcuj, youz swigih gwzveijvei

swnghecanj cijveijcuj bouxdaeuz Cinz Gaihlu nyaemh cujcangj, mizgven bumwnz bouxdaeuz nyaemh fucuj-cangj, ranzbanhgoeng dingh youq ginghgunghyezgiz, youz bouxdaeuz ginghgunghgiz Cau Bingjyenz giem dang bangunghsiz cujyin. Veiz Gozcingh caeuq Anh Bingzswnghe daengj goengdaeuz swigih gwzveijvei doxyaeng, binaengz youz deihfueng caizcwng buet hawj ngaenzcienzmonz caeuq gangcaiz daengj caizliuh gaenj aeu haenx, bae fuzrex gij hong

cauxguh doxgaiq ngoenzyungh vunz-lai caeuq huq iq hawciengz noix miz haenx.

Bi 1971 gonqlaeng, song lwg da Veiz Gozcingh gonqlaeng baenz damueg, song aen da aen naek aen mbaeu, mwh da de mbouj ndaej yungh daеuj yawj vwnzgen, sawbauq seiz, de cix heuh gunghcoz yinzyenz doeg hawj de dingq, haihoih dingq baugau geiqloeg mbouj ndaej, cix baengh rwz dingq uk geiq. Couh Wnhlaiz cunglij geij baez cijsi heuh

de bae Baekging, Sanghaij roxnaeuz Gvangjcouh guh soujsuz, de cungj mbouj nyienh lizhai gangvih, cunglij cijndei baij gij conghayh binghda Baekging, Sanghaij daеuj Namzningz duenqyw. Mwh da baenzbingh, de lij ciuqyiengh genhciz guhhong, saek-seiz de gangjriu naeuz, song lwgda gya hwnjdaeuj cij miz buenq aen lwgda, cienz baengh buenq aen lwgda neix luenh cijveih lo.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz